



Universitätsbibliothek Paderborn

Formularium Episcopale

Barbosa, Agostinho

Coloniae Agrippinae, 1680

61. Confirmatio decreti, quo Sacra Co[n]gr. Cardinalium Concilij Trid. interpretum censuit Constitutionem Gregorij XV. de Conservatoribus editam non afficere Religionem Hierosolymitanam, nisi quoad ...

urn:nbn:de:hbz:466:1-10456

dignitate, vel excellentia fulgentibus, ac speciali nota dignis, Capitulis, Collegiis, Ecclesiis, Congregationibus, Monasteriis, Conventibus, Hospitalibus, & quibusvis Universitatibus tam laecularibus quam Ecclesiasticis, aut quibuscumque aliis quocunque nomine ac titulo nuncupatis, & quomodolibet qualificatis, in feudum vel emphyteusim concedere, aut ultra triennium locare, aut concessiones, & investiture & locationes hujusmodi, post finitum illarum tempus, vel alias quandocunq; renovare, prorogare, vel de novo facere, etiam ad favorem descentium haeredum vel consanguineorum illorum, qui Civitates, terras, & bona jurisdictionalia predicta obtinuerint, posse derint, vel occupata detinuerint, etiam intuitu meritorum, etiam si concessiones, & alia praemissa in evidentem, immo evidentissimam utilitatem Ecclesie, Monasterii, vel loci pii cadant, aut concessionibus, investituris, locationibus, vel illarum renovationibus, aut prorogationibus consentire, aut aliud scripto verbo, vel alio quovis modo, per quem dictæ Civitates, terræ, & bona jurisdictionalia hujusmodi ad Ecclesias, Monasteria, & loca pia predicta, sive eorum Prelatos, Superiores, Rectores seu Administratores non revertantur, etiam si in predictis concessionibus, investituris, renovationibus prorogationibus, & aliis praemissis nostrorum & S. Sedis Apost. beneplacitum etiam cum clausula non alias, aliter, nec aliquo modo reservetur, & nisi illo in scriptis tantum prius obtento facere

audeant, & presumant, ultra alias penas per canonicas sanctiones defuper quomodolibet infictas districte interdicimus, & prohibemus. Deinde adjungit aliam penam nullitatis, decretum irritans addit, contrariis quoque omnibus derogat, Praelatos de hac Constitutione servanda jurare mandat, etiam in Urbe publicari jubet, ejusque transumptis credi decernit. Datum Romæ apud S. Mariam Magorem anno Incarnationis Dominicæ 1625. Kal. Novemb. Pont. nostri anno. 3.

Confirmatio decreti, quo Sacra Congregatio Cardinalium Concilij Trid. interpretum censuit Constitutionem Gregorii XV. de conservatoribus editam non afficere Religionem Hierosolymitanam, nisi quoad Judices Conservatores, eidemque Religioni adhuc jusejusmodi Judices Conservatores eligendi competeret.

LXI.

Part. 3. alleg. 106.

URBANUS Papa VIII. ad perpetuam rei memoriam.

Exponi nobis nuper fecerunt dilecti filii Antonius de Paula Magnus & Conventus Hospitalis Sancti Joannis Hierosolymitani, quod à Venerabilibus Fratribus nostris sanctæ Romanæ Ecclesiæ Cardinalibus Sacri Concilij Trid.

Trid. interpretibus & emanavit decretum tenore subsequenti, videlicet die 6. Febr. 1620. Sacra Congregatio Illustrissimorum Cardinalium Concilij Trid. Interpretum censuit, Constitutionem Sanctae mem. Gregorij XV. de conservatoribus non afficere Religionem Hierosolymitanam, nisi quoad Judices Conservatores, eideinque Religioni adhuc jus ejusmodi Judices Conservatores eligendi competere. Cum autem sicut eadem expositio subjungebat Antonius Magnus Magister & Conventus prefati decretum hujusmodi pro illius validitate & subsistencia firmioribus Apost. nostræ confirmationis robore communiri plurimum desiderent, nobis propterea humiliter supplicari fecerunt, ut in præmissis opportune providere de benignitate Apost. dignaremur. Nos igitur Antonium Magnum Magistrum & Conventum prefatos specialibus favoribus & gratiis prosequi volentes, & illorum singulariter personas à quibusvis excommunicationis, suspensionis & interdicti, alisque Ecclesiasticis sententiis, censuris & poenit. à jure, vel ab homine, quavis occasione vel causa latis, si quibus quomodolibet innodi existunt, ad effectum præsentium dumtaxat consequendum, harum serie absolventes, & absolutos fore censes, hujusmodi supplicationibus inclinati decretum præ insertum Apost. auctoritate tenore præsentium approbamus, confirmamus, illique inviolabilis Apost. firmitatis robur adjicimus, ac omnes, & singulostam

Juris, quam facti defectus, si quidecum super quomodolibet intervenerint, supplemus. Decernentes decretum hujusmodi, nec non præsertas litteras semper valida, firma, & efficacia existere, & fore, suosque plenarios & integros effectus fortiri, & obtinere, ac dicto Hospitali, necnon Antonio moderno, & pro tempore existente illius Magno Magistro, & Conventui plenissime suffragari. Sicque quoscunque Judices Ordinarios, & delegatos etiam causarum Palatij Apost. Auditores judicari, & definiti debere, ac irritum & inane, quidquid secus super his à quoquam quavis auctoritate scienter vel ignoranter contigerit attentari. Non obstantibus prefati Gregorij predecessoris nostri, alisque constitutionibus & ordinationibus Apost. cæterisque contrariis quibuscumque. Volumus autem, quod præsentium transumptis, etiam impressis, & munitis sigillo personæ in dignitate Ecclesiastica constitutæ eadem prorsus fides adhibetur, si forent exhibite, vel ostensæ, Datum Romæ apud S. Petrum sub anulo Piscatoris die 17. Febr. 1629. Pont. nostri Anno V.

Defacultate eligendi Confessarium ad Regulares utriusque sexus, & cuiuscunque Ordinis non extendenda, nec extra forum conscientia.